

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

漢魏六朝百三家集

梁

庾度支

第八十一冊

東

遊

文

選

鹿
度
支
集

PL

2494

H38

1879

v. 81-83

庾度文集題詞

庾幼簡志性恬靜風齊臺尚長子子
貞孝感北辰次子介清重洗馬一家
行義誠足與劉子珪明休烈同傳子
慎後出文采尤高子山繼之宮體競
貴子每讀八關齋夜賦詩深羨少庶

府君能陪帝子又怪一時彥聚城門
高唱何偏以病老死沙門爲題臺城
不祥若有先讖焉子慎避難入東後
始還家遺文鮮少唐李長吉所爲作
還自會稽歌以補其悲也南史又云
宋子仙破會稽購得子慎欲殺之賴

作詩以免夫高齋抄撰龍樓應教學
士職也亡命江海文焉有罪猶借資
七步幸脫劔鉞盜亦能憐才士哉東
宮賞遇時共聯詠湘東誌墓稱爲瑚
璉其知子慎實深論文一書謂有跼
蹐必不然矣書品序論王光祿荅齊

太祖類也若在梁時則與鍾仲偉詩
評同行天壤乎

婁東張溥題

梁庾度支集目錄

表

爲宣國公讓中書表

爲南康王讓丹陽尹表

章

爲武陵王拜儀同章

啓

謝厯日啓

謝賚銅硯筆格啓

謝賚粳米啓

謝賚菱啓

謝賚梨啓

謝賚橘啓

謝賚林檎啓

謝賚朱櫻啓

謝賚檳榔啓

謝東宮賚檳榔啓

謝東宮賚米啓

謝東宮賚栗啓

謝東宮賜宅啓

謝東宮示古跡啓

謝東宮賚內人春衣啓

謝湘東王賚米啓

答湘東王賚粳米啓

謝湘東王賚米啓

謝湘東王賚柑啓

答武陵王賚絹啓

謝武陵王賚白綺綾啓

答陶隱居賚朮煎啓

答陶隱居賚朮蒸啓

答餉綾紋啓

謝炭啓

序

書品序

書品後序

論

書品論一

書品論二

書品論三

書品論四

書品論五

書品論六

書品論七

書品論八

書品論九

銘

團扇銘

玉帳山銘

樂府

長安有狹斜行

賦得有所思

有所思

洛陽道

賦得橫吹曲長安道

愛妾換馬

隴西行

未央才人歌

詩

侍宴應令

侍宴宣猷堂應令

侍宴猷堂宴湘東王應令

侍宴餞湘州刺史張纘

侍宴餞張孝總應令

三日侍蘭亭曲水宴

九日侍宴樂游苑應令

從皇太子出立圃應令

奉和泛舟漢水往萬山應教

山池應令

奉使壯徐州叅丞御

和衛尉新渝侯巡城口號

遊甌山

蔬圃堂應詔

尋周處士弘讓

賦得嵇叔夜

和太子重雲殿受戒

詠同泰寺浮圖和簡文帝

奉和賡漢高廟

亂後經夏禹廟

亂後行經吳郵亭

經陳思王墓

過建章故臺

和劉明府觀湘東王書

和竹齋

從駕喜雨

奉和春夜應令

奉和武帝苦旱

奉和太子納涼梧下應令

芝草

詠美人

送別於建興苑相逢

侍宴

侍宴餞湘東王應令

餞張孝總應令

侍宴餞東陽太守蕭子雲

和晉安王薄晚逐涼北樓回望應教

贈周處士

新林送劉之遴

奉使江州舟中七夕

南苑看人還

詠美人看畫應令

奉和藥名詩

看放市

和望月

和徐主簿望月

詠風

詠雪花

春日

七夕

歲盡應令

賦得山

同蕭左丞詠摘梅花

和晉安王詠燕

詠胡牀應教

暮遊山水應令賦得磧字

奉和湘東王應令二首

春宵

冬曉

詠簾燕

奉賀便省餘秋

被使從渡江

登城北望

道館

賦得轉歌扇

詠舞

詠舞曲應令

詠主人少姬應教

詠長信宮中草

石崇金谷妓

遠看放火

舟中寒望

石橋

詠桂

賦得池萍

新苔

被執作詩

三日侍宴詠曲水中燭影

聯句

曲水聯句

八關齋夜賦四城門更作四首

第一賦韻東城門病

南城門老

西城門死

北城門沙門

第二賦韻東城門病

南城門老

西城門死

北城門沙門

第三東城門病

南城門老

西城門死

北城門沙門

第四東城門病

南城門老

西城門死

北城門沙門

附錄

本傳

庚度支目錄終

庾度支集卷全

梁新野庾肩吾著

明太倉張溥閱

表

爲宜國公讓中書表

臣聞陟彼太行。伯后之車屢怠。望茲吳坂。少游之馬難躋。是知美非流水。立致摧轅。駿靡浮雲。便期頓轡。起登天漢。宜陪九萬之風。坐濟星橋。非使千年之翼。豈有幼稱辯慧。足對元禮。弱標

俊穎能嘲子叔玉。重組長空見休寵。深宮邃宇孰知懷憂。

爲南康王讓丹陽尹表

臣聞劍鏤七星。非有司天之用。簾圖五嶽。宜識崇朝之雲。是知策彼泥龍。不能令其逐日。乘斯流馬。安可使其奔電。方今振鷺盈庭。白駒空谷。惟帝念功。惟明克允。君子之國。幸聞其讓。石門之水。獲免于貪。

章

爲武陵王拜儀同章

臣宅慶紫霄、聯休皇極、地均指日、旣無跡而成
高仕若乘風、故不行而自遠、今者四郊無壘、天
下同文、都尉春田、猶居塞外、單于冬獵、不入漁
陽、臣坐牧三邊、非勞士戰、豈能屯兵大夏、封萬
里之侯、飛箭遼城、受千金之壽、論其才望、有懼
茂弘、先佩印綬、常羞叔度。

我與衆同時，衆皆盡其

力，我獨潛藏，然受千金之壽，而其本望亦別

則，豈坐好三選，我使士卿，豈斷其與，亦豈其

日同交，惟探春，因際風寒，收單于，參解不，人

獨，士卿，乘風，結不，許而，自微，今昔，因際，風寒，天

守，豈，衆，衆，衆，有，足，歸，此，此，此，此，此，此，此，此，此，此

我與衆同時，衆皆盡其

章

啓

謝厯日啓

凌渠所奏。弦望旣符。鄧平之言。錙銖皆合。登臺
視朔。覩雲物之必書。拂管移灰。識權衡之有度。
初開卷始。暫謂春留。未覽篇終。便傷冬及。裴回
厚渥。比日爲年。

謝賚銅硯筆格啓

煙磨青石。已踐孔氏之壇。管插銅龍。還笑王生
之璧。西域胡人。卧織成之金簾。游仙童子。隱芙

蓉之行鄣莫不並出梁園來頒狹室。

謝賚粳米啓

出梁國之租、蕪水陸之殊品、伊尹說而不至、石崇豪所未及、遇處嘿之得賓、同苻朗之舉著、長河可塞、上德無訓。

謝賚菱啓

上林紫水、雜蘊藻而俱浮、雲夢清池、間芙蓉而外發、珍踰百味、來薦畫盤、恩重千金、遂沾菲席、凌霜朱橘、愧此開顏、含露蒲桃、慙其不餌。

謝賚梨啓

睢陽東苑。子圍三尺。新豐箭谷。枝懸六斤。未有
生因汾水。產自桐丘。影連鄧橘。林交苑柿。遠薦
中厨。爰頒下室。事同靈棗。有願還年。恐似仙桃。
無因留核。

謝賚橘啓

光分璇宿。影接銅峰。去青鳥之迢遞。服朱闥之
爽塏。楚原洪筆。頌記不遷。陳王麗藻。賦稱遙植。
昔朝歌季重。纔賜海魚。大理元常。止蒙秋菊。

謝賚林檎啓

丹徒故苑。歲綿長而不見。岷山舊植。路重阻而
來難。未有徙桼圓丘。移根閭坂。仙厨始摘。猶堆
青玉之盤。下賤爰頒。遂入抽蒲之座。

謝賚朱櫻啓

成叢殿側。猶連制賦之條。結實西園。非復粘蟬
之樹。異合浦之歸來。疑藏朱實。同秦人之逐彈。
似得金丸。

謝賚檳榔啓

形均綠竹。詎掃山壇。色譬青桐。不生空井。事踰
紫柰。用兼芳菊。方爲口實。永以蠲痼。

謝東宮賚楨榔啓

無勞朱實。兼荔支之五滋。能發紅顏。類芙蓉之
十酒。登玉案而上陳。出珠盤而下逮。澤深溫柰。
恩均含棗。

謝東宮賚米啓

漁水鳴蟬。香聞七里。瓊山合穎。租歸十縣。肩吾
人慙振藻。徒降雲間之松。職濫更繁。空撤家丞。

之俸成珠委地。事重逢仙。游玉爲糧。珍踰入楚。雖復激水滄流。不待監河之說。春風掃地。方誚文學之篇。

謝東宮賚栗啓

查或火成。鑽以爲屑。柰稱煎用。曝而成糗。未若北燕巨實。用奪榮枯。南國脯山。翻慙齒決。承恩踴躍。對聞喜之河。念報屏營。問知來之息。

謝東宮賜宅啓

肩吾居異道南。才非巷北。流寓建春之外。寄息

臺之下。豈望地無湫隘。里號乘軒。巷轉幘旗。
門容幘蓋。况乃交垂五柳。若元亮之居。夾石雙
槐。似安仁之縣。却瞻鍾阜。前枕洛橋。池通西舍
之流。窗映東鄰之棗。來歸高里。翻成待封之門。
夜坐書臺。非復通燈之壁。才下應王。禮加溫阮。
官成名立。無事非恩。

謝東宮示古跡啓

竊以仙巖遺傳。入握成塵。孔壁藏文。隨開已蠹。
石書有暗。厨畫猶飛。豈有跡經四代。年踰十紀。

芝英雲氣之巧。未殞松鈿。鵲反鸞驚之勢。不侵蒲竹。必使酒肆人來。池流色變。將損北海之牘。還代西河之簡。

謝東宮賚內人春衣啓

階邊細草。猶推綵葉之光。戶前桃樹。反訝藍花之色。遂得裾飛。合鸞領鬪。分鸞試顧。採薪皆成。留客。

謝湘東王賚米啓

味重新城。香踰滂水。連舟入浦。似彥伯之南歸。

積地爲山。疑馬援之西至。不待候沙。同於蠶之
再熟。無勞拜石。均遼倉之重滿。前恩未遠。次渥
仍流。墨翟假以故書。裴楷暫其國賜。

答湘東王賚粳米啓

竊以農夫力耕。時逢儉歲。疎賤時澤。必取豐年。
掾斛瀉珠。嘉聞閭閻。量翻庭委玉。欣見馬圖。

謝湘東王賚米啓

竊以月滿則虧。恩來無爽。海潮雖大。萬江恒注。
遂使連箱委地。不殊陽翟。盈倉接宇。宜異海陵。

謝湘東王賚柑啓

傳名地理。遠自武陵之洲。族茂神經。遙聞建春之嶺。王逸爲賦。取對荔枝。張衡制辭。用連石蜜。足使萍實非甜。蒲萄猶餽。

答武陵王賚絹啓

有吾啓蒙賚絹二十疋。清河之珍。丘園慙其束帛。關東之妙。潛織陋其卷綃。下官謬忝扁舟。暫瞻還旆。而天人渥眄。增餘論之榮。江漢安流。無沿洄之阻。遂使鶴露宵凝。輕絺立變。鴈風朝急。

治服成溫。有謝筆端。無辭陳報。不任下情。謹奉
啓事謝聞謹啓。

謝武陵王賚白綺綾啓

圖雲緝鶴。鄴市稀逢。寫霧傳花。叢臺罕遇。雖復
馬均騁思。比巧猶慙。虞卿受金。方恩未重。比扁
舟獨反。燕路有心。載寶言歸。銜珠無日。

答陶隱居賚木煎啓

竊以綠葉抽條。生於首峰之側。紫花標色。出自
鄭巖之下。百邪外禦。六府內充。山精見書。華神

在錄。木榮火謝。盡採擷之難。啓旦移申。窮淋漓
之劑。故能競爽雲珠。爭奇冰玉。自非身疲掌硯。
役倦攀桃。豈可立致還年。坐生羽翼。臨洮丹井。
方覺可捐。酈縣菊泉。無勞復汲。庶得遨遊海岸。
追涓子之塵。馳驚霍山。共陳王爲侶。謠俗輕施。
尚曰難酬。出世鴻恩。宜知上報。

答陶隱居賚朮蒸啓

味重金漿。芳踰玉液。足使芝慙明麗。丹愧芙蓉。
坐致延生。伏深銘戴。

答餉綾紋啓

潔同雪霜、華踰紵綺、長裾可曳、無愧王門之賓、
廣袖將裁、翻有城中之製、

謝炭啓

識慙曼倩、似見昆明之灰、清愧伯鸞、不復因人
之熱、

厚厚集

卷全

九

書品序

玄靜先生曰、予遍求邃古、逖訪厥初、書名起于
玄洛、字勢發于倉史、故遺結繩、取諸文、象諸形、
會諸人事、未有廣此緘緣、深茲文契、是以一畫
加大、天尊可知、二力增土、地卑可審、日以君道、
則字勢圓月、以臣輔、則文體缺、及其轉註假借
之流、指字會意之類、莫不狀範毫端、形呈字表、
開篇玩古、則千載共朝、削簡傳今、則萬里對面、

記善則惡自削。書賢則過必改。玉厯頒正而化俗。帝教陳言而設教。變通不極。日用無窮。與聖同功。參神並運。爰洎中葉。舍繁從省。漸失頴川之言。竟逐雲陽之字。若乃鳥跡孕于古文。壁書存于科斗。符陳帝璽。摹調蜀漆。署表宮門。銘題禮器。魚遊舍鳳。鳥已分蟲。仁義起于麒麟。威形發于龍虎。雲氣時飄五色。仙人還作兩童。龜若浮溪。蛇若赴穴。流星疑燭。垂露似珠。芝英轉車。飛白掩素。參差倒薤。旣思種柳之謠。長短懸針。

復想定情之製蚊脚傍低鵠頭仰立填飄板上。
謬起印中波回墮鏡之鸞楷顧雕陵之鵲並以
篆籀重複見重昔時或巧能售酒或妙令鬼哭。
信無味之奇珍。非趨時之急務且具錄前訓。今
不復兼論。惟草正疏通專行於世。其或繼之者。
雖百代可知。尋隸體發源秦時隸人下邳程邈
所作。始皇見而重之。以奏事繁多。篆字難製。遂
作此法。故曰隸書。今時正書是也。草聖起於漢
時。解散隸法。用以赴急。本因草創之義。故曰草

書建初中京兆杜操始以善書知名今之草書是也余自少迄長留心茲業澡手謝於臨池銳意同於削板而戴山之扇竟未增華凌雲之臺無因誠子求諸故迹或有淺深輒刪善草隸者一百二十一人伯英以稱聖居首法高以追駿處末推能相越小例而九引類相附大等而三復爲略論總名書品

書品後序

今以九例該此衆賢猶如立圃積玉炎洲聚桂

其中實相推謝故有茲多品然終能振此鱗翼
俱上龍門倘後之學者更隨黠曝云爾

地土勢門前外之學堂東南兩側二層
其地勢前正門外之學堂東南兩側二層

論

書品論一上上之

張芝伯英
鍾繇元常
王羲之逸少

隸既發源秦始。草乃激流齊相。跨七代而彌遵。
將千載而無革。誠開博者也。均其文總六書之
要。指其事籠八體之奇。能拔篆籀于繁蕪。移楷
真于重密。分行紙上。類出爾之蛾。結畫篇中。似
聞琴之鶴。峰嶸間起。瓊山慚其歛霧。漪瀾遞扶。
碧海愧其下風。抽絲散水。定其下筆。倚刀較尺。

驗于成字。真草既分于星芒。烈火復成于珠珮。或橫牽豎掣。或濃點輕拂。或將放而更留。或因挑而還置。敏思藏于胸中。巧意發于毫銛。詹尹端策。故以迷其變化。英韶傾耳。無以察其音聲。殆善射之不注。妙斲輪之不傳。是以鷹爪含利。出彼兔毫。龍管潤霜。遊茲蠆尾。學者鮮能具體。窺者罕得其門。若探妙測深。盡形得勢。烟花落紙。將動風彩。帶字欲飛。疑神化之所爲。非人世之所學。惟張有道。鍾元常。王右軍。其人也。張工

夫第一天然次之。衣帛先書。稱爲草聖。鍾天然第一。工夫次之。妙盡許昌之碑。窮極鄴下之牘。王工夫不及張。天然過之。天然不及鍾。工夫過之。羊欣云。貴越群品。古今莫二。兼撮衆法。備成一家。若孔門以書。三子入室矣。允爲上之上。

書品論二

上之中

崔瑗子王

杜度伯度

師宜官

張昶文舒

王獻之子敬

崔子玉擅名北中。跡罕南度。世有得其摹者。王子敬見之。稱美。以爲功類伯英。杜度濫觴于草。

書取奇於漢帝。詔復奏事。皆作草書。師宜官鴻都爲最能。大能小。文舒聲劣于兄。時云亞聖子敬泥帚。最驗天骨。兼以製筆。復識人工。一字不遺。兩葉傳妙。此五人允爲上之中。

書品論三

上之下

索靖幼安

梁鵠孟皇

肅誕仲將

皇象休明

胡昭孔明

鍾會士季

衛瓘伯玉

荀興長肩

阮研文機

幼安。歛蔓舅氏。抗名衛令。孟皇功盡筆力。字入帳中。仲將不妄染毫。必須張筆而左紙。孔明動

見模楷皆謂胡肥而鍾瘦。休明斟酌二家。聯駕八絕。士季之範元常。猶子敬之稟逸少。而工拙兼效。真草皆成。伯玉遠慕張芝。近參父迹。長眉狸骨。方擬而難追。阮研居今觀古。盡窺衆妙之門。雖復師王祖鍾。終成別構一體。此九人允爲上之下。

書品論四

中之上

張超子並
崔寔子真
李式景則
謝安安石

郭伯道
衛夫人名
庾翼稚恭
王珉季琰

劉德昇君嗣
鑠字茂猗
郗愔方回
栢立敬道

羊欣敬元

王僧虔

孔琳之彥琳

殷鈞季和

子並崔家州里。頗相倣效。可謂醬鹹于鹽。冰寒于水。伯道府問朝廷。遠封其跡。德昇之妙。鍾胡各採其美。子真俊才。門法不墜。李妻衛氏。自出華宗。景則毫素流靡。稚恭聲彩適越。郗愔安石草正並驅。季琰栢立筋力俱駿。羊欣早隨子敬。最得王體。孔琳之聲高宋氏。王僧虔雄發齊代。殷鈞頗耽愛好。終得肩隨。此一十五人。允爲中之上。

書品論五

中之中

魏武帝曹操孟德

吳主元宗孫皓

衛覬伯儒

左子邑伯字

衛桓巨山

杜預元凱

王廙世將

張彭祖

任靖

韋旭文休

王脩敬仁

范懷約

張永景初

吳休尚

施方泰

魏帝筆墨雄贍。吳主體裁綿密。伯儒兼叙隸草。

于邑分鑪梁邯。巨山三世。元凱累葉。王廙爲右。

軍之師。彭祖取義之之道。任靖矯名。文休題柱。

敬仁清舉。致畏逼之詞。張范逢時。俱東南之美。

施吳鄴下後生。同年拔萃。此十五人。允爲中之。

中、

書品論六

中之下

羅暉叔景

趙襲元嗣

劉輿

張昭

陸機士衡

朱誕

王導茂弘

庾亮元規

王洽

郗超吳興

張翼

宋文帝劉義隆

康昕

徐郗秀

謝眺立暉

劉繪

陶隱居弘景

王宗素

叔景元。嗣並稱西州。劉輿之筆札。張昭之無懈。

陸機以弘才掩迹。朱誕以偏藝流聲。王導則列

聖推能。庾亮則群公挹巧。王洽以並通諸法。郗

超以晚年取譽。張翼善効宋帝。康昕郗秀孤生。

謝朓劉繪文宗書範近來少前陶隱居仙才翰
采拔于山谷王崇素繪靡倫篇筆傳于里閭
此十八人允爲中之下

書品論七

上 下之

姜翊

梁宣

韋秀

鍾輿

向泰

羊忱

晉元帝

景文

識道人

范曄

宋炳

王會

謝靈運

蕭思話

薄紹之敬叔

齊高帝紹伯

庾黔婁

費元瑤

孫奉伯

羊祐叔子

此十九人並擅毫翰動成楷則殆逼前良見希
後彥允爲下之上

書品論八 中下之

陽經 諸葛融 楊潭 張炳
岑淵 張輿 王濟 李夫人

劉穆之 道和 朱齡石 庾景休
張融 思光 褚元明 孔敬通

王籍 文海

此十五人雖未窮字與書尚文情披其叢薄非
無香草視其涯岸皆有潤珠故遺斯紙以為世

玩允為下之中

書品論九 下之下

衛宣 李韞 陳基 傅庭堅
張 陰光 韋熊少季 張暢

曹任 宋嘉 裴邈 羊固 謝
傳夫人 辟間訓 徐羨之 孔間

顏寶光 周仁皓 張欣泰 張熾
僧岳道人

此二十二人皆五味一和五色一彩視其雕文
非特刻鵠人人下筆宜止追嚮遺迹見珍餘芳
可折誠以駟馳並駕不逮前鋒而中權後殿各
盡其美允爲下之下

其美武松下之

其美武松下之

其美武松下之

其美武松下之

其美武松下之

其美武松下之

其美武松下之

銘

團扇銘

武王玄覽、造扇于前、班生瞻博、白綺仍傳、裁筠
比霧裂素、輕蟬片月、內掩重規、外圓炎隆、火正
石鑠沙煎、清逾蘋末、瑩等寒泉、恩深難恃、愛極
則遷、秋風颯至、篋笥長捐、勒銘華扇、敢薦夏筵

玉帳山銘

玉帳寥廓、崑山抵鵲、總葉成帳、連枝起幕、玉蘂
難徙、金花不落、隱士彈琴、仙人看博、巖留故鼎、

竈聚新荆煮石初爛、燒丹欲成、桑田屢盡、海水
頻傾、長聞鳳笛、永聽簫聲、

正陽山歌

齊東野語

樂府

長安有狹斜行，
長安有曲陌，曲陌不容幘，
路逢雙綺襦，問君居
近遠，我居臨御溝，
可識不可求，長子登麟閣，
次子侍龍樓，少子無高位，
聊從金馬遊，三子俱來
下，左右若川流，三子俱來入，
高軒映彩旒，三子俱來宴，
玉柱擊清甌，大婦褰雲裘，
中婦卷羅幃，少婦多豔冶，
花鈿繫石榴，夫君且安坐，
歡娛方未周。

賦得有所思

佳期竟不歸、春日坐芳菲、拂匣看離鏡。一作開

扇

箱見別衣、井梧生未合、宮槐卷復稀、不及銜泥燕、從來相逐飛、

有所思

佳人遠于隔、乃在天一方、望望江山阻、悠悠道路長、別前秋葉落、別後春花芳、雷歎一聲響、雨淚忽成行、悵望情無極、傾心還自傷、

洛陽道

微道臨河曲，層城俯洛川。
金門纔出柳，桐井半含泉。
日起杳思外，車廻雙闕前。
潘生時未返，遙心徒眷然。

賦得橫吹曲長安道

桂宮連複道，黃山開廣路。
遠聽平陵鐘，遙識新豐樹。
合殿生光彩，離宮起烟霧。
日落歌吹還，一作回塵飛車馬度。

愛妾換馬

渥水出騰駒，湘川實應圖。
來從西北道，去逐東

南隅琴聲悲玉匣，山路泣薜蘿，似鹿將含笑，千金會不俱。

隴西行

借問隴西行，何當驅馬征，草合前迷路，雲濃後暗城，寄語幽閨妾，羅袖勿空縈。

未央才人歌

從來守未央，轉欲訝春芳，朝風凌日色，夜月奪燈光，相逢倘游豫，暫爲卷衣裳。

詩

侍宴應令

副君時暇豫，曾城聊近遊。
清池寫飛閣，疎樹出龍樓。
北陸冰方壯，西園春欲周。
梅心芳屢動，蒲節促難抽。
徒然欣並命，無以廁應劉。

侍宴宜猷堂應令

副君德將聖，陳王才揆天。
歸來宴平樂，置酒對林泉。
鑪香雜山氣，殿影入池漣。
豔舞時移節，新歌屢上絃。
聽曲慙迴顧，思經徒欲眠。

侍宜猷堂宴湘東王應令

陳王驂駕反，副后西園遊。並命登飛閣，列坐對
芳洲。桂巖逢暮序，菊水值窮秋。竹逕簫聲發，桐
門琴曲愁。一作幽徒奉文成誦，空知思若抽。

侍宴餞湘州刺史張纘

洞庭資善政，層城送遠離。九歌揚妙曲，八桂動
芳枝。雨足飛春殿，雲峯入夏池。郢路方遼遠，湘
山轉蔽虧。何當好風日，極望長沙垂。

侍宴餞張孝總應令

層臺臨迴漲、耿耿晴煙上、欲送分符人、翻似河隄望、寒雲暗積水、秋雨蒙重嶂、別念動神襟、華文切離貺、慙無寡和曲、空陪郢中唱、

三日侍蘭亭曲水宴

策星依夜動、鑾駕總朝遊、旌門臨苑樹、相風出鳳樓、春生露泥泥、天覆雲油油、桃花舒玉澗、柳葉暗金溝、楔川分曲洛、帳殿掩芳洲、踊躍頽魚出、參差絳棗浮、百戲俱臨水、千鍾共逐流、

九日侍宴樂游苑應令

轍跡光周頌、巡遊盛夏功、鉤陳萬騎轉、閭闔九
關通、秋暉逐行漏、朔氣繞相風、獻壽重陽節、迴
鑾上苑中、疏山開輦道、間樹出離宮、玉醴吹巖
承、一作菊銀牀落井桐、御梨寒更紫、仙桃秋轉紅、
飲羽山西射、浮雲冀北驄、塵飛金埒滿、葉破柳
條空、騰猿疑矯箭、驚鴈避虛弓、彫材濫杞梓、花
綬接鸛鴻、愧乏天庭藻、徒參文雅雄、

從皇太子出立圃應令

春光起麗譙、屣步陟山椒、閣影臨飛蓋、鶯鳴入

洞簫水還登故渚、樹長蔭前橋、綠荷生綺葉、丹
藤上細苗、顧循慙振藻、何用擬瓊瑤、

奉和泛舟漢水往萬山應教

桂、棹、棠、棠、船、飄、揚、橫、大、川、映、巖、沈、水、底、激、浪、起、
雲、邊、迥、岸、高、花、發、春、塘、細、柳、懸、陪、歌、承、睿、賞、接、
醴、侍、恩、筵、誰、云、李、與、郭、獨、得、似、神、仙、

山池應令

閨苑秋光暮、金塘收潦清、荷低芝蓋出、浪踊燕、
舟、輕、逆、湍、流、棹、唱、帶、谷、聚、笳、聲、野、竹、交、臨、浦、山、

桐迥出城、水逐雲峯間、寒隨殿影生、

奉使北徐州叅丞御

炎農稱卷領、唐勛載允恭、猶將表世盛、尚且號
民從、未如今聖主、比德邁前蹤、格天垂禮樂、寰
海置提封、枌榆諒昔社、方門有舊墉、故鄉深帝
念、巡狩及時雍、禁園周百里、離宮卽九重、浮橋
還瀉渭、抗殿本疏龍、過沛追鄉飲、歸宛盛禮容、
千金登禹膳、萬壽獻堯鐘、依然對白水、眷言懷
赤松、迴天隨輦道、駐日遂戈鋒、路遠大風積、山

長佳氣濃年光正婉婉春樹轉丰茸竹葉含初
籜、蕤枝發早蘂、瑞木翻無鳥、祥花更少蜂、咸英
起雲鳳、率舞間笙鏞、海鷗時出沒、江鱣乍噉噉、
雲邊開鞏樹、霧裏識堯峯、小人濫趨走、虛薄愧
無庸、皇恩不可報、河清徒易逢。

和衛尉新渝侯巡城口號

維城寄右戚、巡警屬勤王、南瞻通灞岸、北眺指
橫茫、入漢飛延閣、臨雲出建章、步逐天津遠、城
隨秋夜長、露槐落金氣、風寮上新涼

闕

遊甌山

平子去已久、餘風今復追、未必遊春草、王孫自
不歸、路高村反出、林長鳥更稀、寒雲間石起、秋
葉下山飛、西河方閱訓、詎得解朝衣、

蔬圃堂應詔

北宮

一作堂

多暇豫、時駕總鑾鑣、路靜繁葭撤、輪

移羽蓋飄、臨空坐飛觀、回首望浮橋、風長曙鐘
近、地迥洛城遙、疎林不礙日、涸浦暫通潮、徒然
等賓從、並作愧羣僚、

尋周處士弘讓

試逐赤松遊，披林對一丘。
梨紅大谷晚，桂白小山秋。
石鏡菱花發，桐門琴曲愁。
一作泉飛疑度
雨雲積似重樓，王孫若不去，山中定可留。

賦得嵇叔夜

山林重明滅，風月臨囂塵。
著書惟隱士，談立止谷神。
鴈重翻傷性，蠶寒更養身。
廣陵餘故曲，山陽有舊隣。
俗儉宜妨患，才多反累身。
寄言山吏部，無以助庖人。

和太子重雲殿受戒

皇明執東曜、帝宸居北辰、小乘開治道、大覺拯
蒼民、殊塗同義路、分流合智津、傳香引上德、列
伎進名臣、連閣翻如畫、圖雲更似真、鏡山銜殿
影、梅梁落梵塵、苑桂恒留雪、天花不待春、萬年
逢瑞應、千生值法身、天衣初拂石、豆火欲燃薪、
重善無論報、輕毛庶有因、

詠同泰寺浮圖和簡文帝

望園臨奈苑、王城對鄴宮、還從飛閣內、遙見崛

山中、天衣疑拂石、鳳翅欲凌空、雲霓猶帶雨、蓮
井、不生、桐盤承雲表、露鈴搖天上、風月出琛含
采、天晴幡帶虹、周星疑更落、漢夢似今通、我后
情藝文作懷初照、不與伊川同、方應捧馬出、永得離
塵蒙、

奉和賽漢高廟

昔在唐山曲、今承紫貝壇、宜知臨楚岸、非復望
長安、野曠秋先動、林高葉早殘、塵飛遠騎沒、日
徙一作過半峯寒、徒然仰成誦、終用試才難、

亂後經夏禹廟

金簡泥初發、龍門鑿始通、配天不失舊、爲魚微
此功、林堂上偃蹇、山殿下穹隆、侵雲似天闕、照
水類河宮、神來導赤豹、仙女擁飛鴻、松龕撤暮
俎、棗逕落寒叢、仙舟還入鏡、玉軸更乘空、去國
嗟行邁、離居泣轉蓬、月起吳山北、星臨天漢中、
申胥猶有志、荀息本懷忠、待見攬搶滅、歸來松
柏桐、

亂後行經吳郵亭

郵亭一回望，風塵千里昏。青袍異春草，白馬卽
吳門。獯戎鯁伊洛，襍種亂轅轅。輦道同關塞，王
城似太原。休明鼎尚重，秉禮國猶存。殷牖爰雖
隳，堯城吏轉尊。泣血悲東走，橫戈念北奔。方憑
七廟略，誓雪五陵冤。人事今如此，天道其誰論。
御亭吳大帝所建在
晉陵，今作郵，誤也。

經陳思王墓

公子獨憂生。丘壠擅餘名。採樵枯樹盡，犁田荒
隧平。寔追宴平樂，詎想謁承明。旦余來錫命，兼

言事結成、飄飄河朔遠、颭颭風鳴、鴈與雲俱
陣、沙將蓬共驚、枯桑落古社、寒鳥歸孤城、隴水
哀葭曲、漁陽慘鼓聲、離家來遠客、安得不傷情、

過建章故臺

魯國觀遺殿、韓城想舊臺、仲宣原隰滿、子建悲
風來、夏蓮猶反植、秋牕尚左開、圖雲仍溜雨、畫
水卽生苔、及君歡四望、知余念七哀、

和劉明府觀湘東王書

陳王擅書府、河間富典墳、五車方累篋、七閣自

連雲松槩芳帙氣、柏燠起厨文、羽陵青簡出、嫺
泉綠字分、方因接遊聖、暫得奉朝聞、峯樓霞早
發、林殿日先曛、洛城復接限、歸軒畏後羣、

和竹齋

百拱橫筇節、千櫨跨篋竿、廻龍仍作柱、置笛且
成欒、向嶺分花徑、隨階轉藥欄、蜂歸憐蜜熟、燕
入重巢乾、欲仰天庭揆、終知學步艱、

從駕喜雨

西嶽浮樽桂、東皇事浴蘭、赦詔還京兆、歸神出

灌壇濕風含酒氣。陰雲助麥寒。典農欣受職。治粟喜當官。復此隨車雨。民天知可安。

奉和春夜應令

春牖對芳洲。珠簾新上鉤。燒香知夜漏。刻燭驗
更籌。天禽一作雞下北閣。一作闕織女入西樓。月皎
疑非夜。林疎似更秋。水光懸蕩壁。山翠下添流。
詎假西園讌。無勞飛蓋遊。

奉和武帝苦旱

陽山蛇不蟄。泐澤鳥猶攢。蹇息流膏雨。將似怨

祁寒文衣夜不臥、蔬食晝忘餐、潔誠同望祀、惟
馨等浴蘭、江蘋享上帝、荆璧奠高巒、繁雲興岳
立、蒸穴動龍蟠、渭渠還積水、滌池更起瀾、

奉和太子納涼梧下應令

北園涼氣早、步輦暫逍遙、避日交長扇、迎風列
短簫、山帶彈琴曲、桐橫棲鳳條、懸門開溜水、錦
石鎮浮橋、黑米生菰葉、青花出稻苗、無因學山
藻、雲氣徒飄颻。

芝草

踟躕玩芝草、淹畱攀桂叢、桂叢方偃蹇、芝葉正
玲瓏、如龍復如馬、成闕復成宮、黃金九華發、紫
蓋六英通、隱士蒼山北、仙神海穴東、隨丹聊變
水、獨搖不須風

詠美人

絳樹及西施、俱是好容儀、非關能結束、本自細
腰肢、鏡前難並照、相將映淶池、看粧畏水動、歛
袖避風吹、轉手齊裾亂、橫簪厯鬢垂、曲中人未
取、誰堪白日移、不分他相識、唯聽使君知

送別於建興苑相逢

相逢小苑北、停車問苑中、梅新雜柳故、粉白映
綸紅、去影背斜日、香衣臨上風、雲流階漸黑、冰
開池半通、去馬船難駐、啼鳥曲未終、眷然從此
別、車西馬復東、

侍宴

沐道逢將聖、飛觴屬上賢、仁風開美景、瑞氣動
非烟、秋樹翻黃葉、寒池墮黑蓮、承恩謝命淺、念
報在身前、

侍宴餞湘東王應令

陳王從遊士，高宴入承華。並載同蓮壁，雕文類
簡沙。落猿時動樹，墜雪暫搖花。念此離筵促，方
愁別路賒。

餞張孝總應令

江上早寒生，鼎條饒管清。別筵開帳殿，離舟卷
幔城。前山黃葉起，對岸白沙驚。臨渦同極望，竊
吹愧才輕。

侍宴餞東陽太守蕭子雲

東部資良守、北宮敦獻酬、新枝漸接樹、故凍欲
含流、早花少餘雪、春寒極晚秋、徒嗟白岸遠、空
想赤松遊、

和晉安王薄晚逐涼北樓回望應教

向夕紛誼屏、追涼飛觀中、樹影臨城日、牕含度
水風、遙天如接岸、遠帆似凌空、陪文慙宋玉、徒
等侍蘭宮、

贈周處士

九丹開石室、三徑沒荒林、仙人翻可見、隱士更

難尋籬下黃花菊丘中白雪琴方欣松葉酒自
和遊山吟

新林送劉之遴

旆轉黃山路舟纚白馬津送輪時合憶分驂各
背塵常山喜臨岱隴頭悲望秦欲持漢中策還
以贈征人

奉使江州舟中七夕

九江逢七夕初弦值早秋天河來映水織女欲
攀舟漢使俱爲客星槎共逐流莫言相送浦不

及穿針樓

南苑看人還

春花競玉顏、俱折復俱攀、細腰宜窄衣、長釵巧、
挾鬟洛橋初度燭、青門欲上關、中人應有望、上、
客莫前還、

詠美人看畫應令

欲知畫能巧、喚取真來映、並出似分身、相看如
照鏡、安釵等疎密、著領俱周正、不解平城圍、誰
與丹青競。

奉和藥名詩

英王牧荆楚、聽訟出池臺、督郵稱蝗去、亭長說、
烏來行、塘朱鷺響、當道赤帷開、馬鞭聊寫賦、竹、
葉暫傾杯、

看放市

旗亭出御道、遊目暫迴車、旣非隨舞鶴、聊思索、
枯魚、懸龜識季主、滂酒見相如、日中人已合、黃、
昏故未疎、

和望月

桂殿月徧來、留光引上才、圓隨漢東蚌、暈逐淮南灰、渡河光不濕、移輪轍詎開、此夜臨清景、還承終宴杯、

和徐主簿望月

樓上徘徊月、牕中愁思人、照雪光徧冷、臨花色轉春、星流時入暈、桂長欲侵輪、願以重光曲、承君歌扇塵、

詠風

宋地鷗飛初、湘川燕起餘、掃一作拂壇聊動竹、吹

薤欲成書蒼梧洞猶在

一作蒼嶮
桐猶在

合浦樹應疎

陽鳥一轉翅千里定非虛

詠花雪

瑞雪墜堯年因風入綺錢
飛花灑庭樹疑瑛結
井泉寒光晦八極同雲暗九天
已飄黃竹路共慶白渠田

春日

桃紅柳絮白照日復隨風
影出朱城外香歸青
殿中水映寄生竹山橫半死桐
頒文知渥重擲

札愧才空、

七夕

玉匣卷懸衣、針樓開夜扉、姮娥隨月落、織女逐
星移、離前忿促夜別後對空機、倩語離陵鵲填
河、未可飛、

歲盡應令

歲序已云殫、春心不自安、聊開柏葉酒、試奠五
辛盤、金薄圖神燕、朱泥却一作鬼丸、梅花應可
折、倩爲雪中看、

賦得山

層雲羃峻嶺、絕澗倒危峯、刻削臨千仞、嵯峨起
百重、行曦上杳杳、結霧下溶溶、仁心畱此屬、休
奉愧羣龍、

同蕭左丞詠摘梅花

牕梅朝始發、庭雪晚初消、折花牽短樹、攀叢入
細條、垂冰溜玉手、含刺骨春腰、遠道終難寄、馨
香徒自饒、

和晉安王詠燕

可憐幕上燕、差池弄羽衣、夜夜同巢宿、朝朝相對飛、銜泥瞻樂善、相賀奉英徽、秋蟬行寂寞、戀此未辭歸、

詠胡牀應教

傳名乃外域、入用信中京、足欹形已正、文斜體自平、臨堂對遠客、命旅誓初征、何如淄館下、淹畱奉盛明、

暮遊山水應令賦得磧字

餘春屬清夜、西園恣遊歷、八逕轉金輿、開橋通

畫鷁、細藤初上、榎、新流漸涵、磧、雲峯沒城柳、電
影開巖壁

奉和湘東王應令二首

春宵

征、人、別、來、久、年、芳、復、臨、牖、燭、下、夜、縫、衣、春、寒、偏、
著、手、願、及、歸、飛、鴈、因、書、寄、高、柳、

冬曉

隣、雞、聲、已、傳、愁、人、竟、不、眠、月、光、侵、曙、後、霜、明、落、
曉、前、紫、鬟、起、照、鏡、誰、忍、插、花、鈿、

詠簾燕

雙燕集蘭閨、雙飛高復低、向戶疑新箔、登巢識
故泥、依欄本相賀、近幕願同棲、

奉賀便省餘秋

前對金精坂、俯臨圓水池、照影礙浮葉、看山通
迴枝、鴈行連霧盡、雨足帶雲移、

被使從渡江

八陣引佳兵、三河總艫舳、絳天揚遠旆、雷野驅
長轂、夜劍動星芒、秋潮驚箭服、

登城北望

誓師屠六郡、登城望九嶷、山沈黃霧裏、地盡黑、
雲中、霜戈曜壠日、哀笳斷塞風、

道館

仙人白鹿上、隱士潛溪邊、試取西山藥、來觀東、
海田、

賦得轉歌扇

團紗映似月、蟬翼望如空、迴持掩曲態、轉作送、
聲風、

詠舞

飛鳧袖始拂，啼鳥曲未終。
聊因斷續唱，記託往還風。

詠舞曲應令

歌聲臨畫閣，舞袖出芳林。
石城定若遠，前谿應幾深。

詠主人少姬應教

故年齊總角，今春半上頭。
那知夫婿好，能降使君留。

詠長信宮中草

委翠似知節、含芳如有情、全由履迹少、併欲土
階生、

石崇金谷妓

蘭堂上客至、綺席清絃撫、自作明君辭、還教綠
珠舞、

遠看放火

風前細塵起、月裏黑烟生、發燄看喬木、侵光識
遠城、

舟中寒望

日暮敞鳬舟，曾冰合駛流。
雪照齊君履，寒入楚王裘。

石橋

秦王金作柱，漢帝玉爲欄。
仙人飛往易，道士出歸難。

詠桂

新叢入望苑，舊幹別層城。
倩視今移處，何如月裏生。

賦得池萍

風翻乍青紫，浪起時疎密。本欲嘆無根，還駕能
有實。

新苔

隨潮染岸石，逐沫聚浮查。從令阿谷麗，停筐不
汰沙。

被執作詩

髮與年俱暮，愁將罪共深。聊持轉風燭，暫映廣
陵琴。

三日侍宴詠曲水中燭影 七言

重燄垂花比芳樹，風吹水動俱難住。
春枝拂岸影上來，還杯繞客光中度。

遠上來盟對歸客共中興

重如垂許出我懷思如水便易歸對春人醉學

三月三日自京師出小中微雨

聯句

曲水聯句

春色明上巳、桃花落繞溝、波迴卮不進、綸下鈎

時留、臣導絳水時迴岸、花觴轉更周、陳肴渡玉俎、

垂餌下銀鈎、王臺卿迴川入帳殿、列俎間芳洲、漢

艾凌波出江楓、拂岸遊庾肩吾王生迴水碓、蔡姬

蕩輕舟、岸燭斜臨水、波光上映樓、殿下

八關齋夜賦四城門更作四首

殿下卽簡文帝時爲皇太子中庶府君謂肩吾

第一賦韻東城門病

伏枕愛危光。痾纏生易折。無因雪岸草。慮及矻

山穴。

徐防

消渴腴腸腑。疼蹇嬰肢節。如何促齡內。

憂苦無暫缺。

孔熹

南城門老

虛蕉誠易犯。危藤復將嚙。一隨柯已微。當年信

長訣。

諸葛

已同白駒去。復類紅花熱。妍容一旦

罷。孤燈行自設。

君

西城門死

緩心雖殊用，滅景益優劣。一隨業風盡，終歸虛

妄設。

王臺卿

五陰誠爲假，六趣宜有截。零落竟同

歸，憂思空相結。

李鏡遠

北城門沙門

俗幻生影空，憂繞心塵暄。於茲排四纏，去矣求

三涅

殿下

下學輩留心，方從窈冥別。已悲境相空，

復作泡雲滅。

中庶府君

第二賦韻東城門病

空病誠易愈，有病故難痊。徒知餌五色，終當悲

九泉

王臺卿

已無雲山草、沈痾竟誰憐、復悲淪苦

海、何由果淨天、

諸葛嶮

南城門老

昔類紅蓮草、自玩綠池邊、今如白華樹、還悲明

鏡前、

殿下

壯心欲何在、餘日乃西遷、清樽不復樂、

蓬鬢豈還妍

徐防

西城門死

高堂信逆旅、懷業理常牽、玉匣方委襯、金臺不

復延、

中庶府君

挽聲隨逕遠、蘿影帶松懸、詎能留十

念唯應逐四緣君

北城門沙門

經行林樹下、求道志能堅、既有神通力、振錫遠

乘烟、李鏡遠

一登四弘誓、至道莫能先、不貪曠劫

壽、無論促延年、孔熹

第三東城門病

纏痾緬百年、自傷無五福、長縈畫篋、蛇不值仙、
人鹿、殿下習染述畫瓶、臥起求棲宿、羅襦豈再歡、

臨岐方土木

中庶府君

南城門老

少年愛純綺、衰暮暫羅縠、徒傷歲冉冉、陳詩非

郁郁

王臺卿

鶴髮辭軒冕、鮐背烹葵菽、松栢稍相

依、懽愛時睦睦

李鏡遠

西城門死

追念平生時、遨遊上苑囿、一沒松栢下、春光徒

儵昱

孔熹

結根素因假、枝葉緣骨肉、自應螻蟻驅、

值此風刀逐

諸葛嶢

北城門沙門

俗繭厭纏絲、因田抽善穀、長披忍辱鎧、去此織

羅服、徐防願引三塗衆、俱令十使伏、珠月猶沈首、

金鐔未挑目、君

第四東城門病

紫紉未可得、漳濱徒再離、一逢犬馬病、賁育罷

驅馳、李鏡遠已無九轉術、復闕萬金奇、不看授疆

掌、唯夢蓮花池、君

南城門老

盛年歌吹日、顧步惜容儀、一朝衰朽至、星星白

髮垂孔已傷萬事盡復念九門枝垂軒意何在

獨坐鏡如斯中庶府君

西城門死

一息於今罷平生詎可規天長曉露促千齡誰

復知殿華堂一相捨松帳杳難窺萬祀藏珠應

千年罷玉羈徐防

北城門沙門

深心不可染正道亦難欹方除五欲累長辭三

雅卮王臺卿依空慮難靜習善路猶弛沒身竟靡

託單孟詎待貲
諸葛

本傳

庾肩吾字子慎八歲能賦詩特爲兄於陵所友
愛初爲晉安王國常侍仍遷王宣惠府行參軍
自是每王徙鎮肩吾常隨府厯王府中郎雲麾
參軍竝兼記室參軍中大通三年王爲皇太子
兼東宮通事舍人除安西湘東王錄事參軍俄
以本官領荊州大中正累遷中錄事諮議參軍
太子率更令中庶子初太宗在藩雅好文章士
時肩吾與東海徐擒吳郡陸杲彭城劉遵劉孝

儀儀弟孝威同被賞接。及居東宮。又開文德省。置學士。肩吾子信。擢子陵。吳郡張長公。北地傅弘。東海鮑至等。充其選。齊永明中文士王融。謝朓。沈約。文章始用四聲。以爲新變。至是轉拘聲韻。彌尚麗靡。復踰於往時。時太子與湘東王書論之。太清中。侯景寇陷京都。及太宗卽位。以肩吾爲度支尚書。時上流諸蕃並據州拒景。景矯詔遣肩吾使江州。喻當陽公大心。大心尋舉州降賊。肩吾因逃入建昌界。久之。方得赴江陵。未

幾卒文集行於世

梁庾度支集終

庾度支集

卷全

傳

里

聚興安府志

卷三

五學士傳吾子儀為子儀與郡張長公北地韓

元東海鮑至等其孫齊永明宋文士王融

元魏文車始用四聲以為新樂至是轉拘聲

順謂尚是陳後主於往時太子與湘東王書

之太清中侯景寇陷京師及太宗即位以後

為周文伯書時上流諸君並豫州相景景

中選周君使江州喻旨陽公大心大心尋舉州

卷三



